

Na osnovu člana 70. Zakona o javnim nabavkama („Službeni glasnik BiH”, broj 39/14), a na preporuku Komisije za pokretanje i provođenje otvorenog postupka nabavke usluga tehničke i funkcionalne podrške za Trezorski sistem „Centralizovanog obračuna i isplate plaća” (COIP) Bosansko-podrinjskog kantona Goražde, imenovane Rješenjem Ministra za finansije Bosansko-podrinjskog kantona Goražde, br.06-14-7115/18 od 04.12.2018.godine, Ministar za finansije Bosansko-podrinjskog kantona Goražde **donosi**:

## **O D L U K U**

o izboru najpovoljnijeg ponuđača za pružanje usluga tehničke i funkcionalne podrške za Trezorski sistem „Centralizovani obračun i isplate plaća” (COIP) Bosansko-podrinjskog kantona Goražde

### **Član 1.**

Prihvata se preporuka Komisije za javne nabavke, po Zapisniku br:3 br.06-14-7115-16/18 od 28.12.2018.godine i za najpovoljnijeg ponuđača za usluge tehničke i funkcionalne podrške za Trezorski sistem „Centralizovanog obračuna i isplate plaća” (COIP) Bosansko-podrinjskog kantona Goražde bira se društvo „**OCEAN**“ **d.o.o. TRAVNIK**, sa Ponudom broj:10574-792/18 od 19.12.2018.godine i ponuđenom cijenom od 42.708,96 KM, bez PDV-a, kao najbolje ocijenjenom.

### **Član 2.**

Prijedlog Ugovora dostaviće se na potpis izabranom ponuđaču po proteku roka od 10 /deset/ dana, računajući od dana kada svi ponuđači, koji su učestvovali u predmetnom postupku zajedničke nabavke, budu obaviješteni o izboru najpovoljnijeg ponuđača.

### **Član 3.**

Izabrani ponuđač dužan je dostaviti dokaze o kvalificiranosti iz člana 45. ZJN u roku od 5 /pet/ dana nakon što bude obaviješten od strane ugovornog organa o rezultatima postupka nabavke, a shodno odgovarajućim odredbama Tenderske dokumentacije, br.06-14-7115-13/18 od 07.12.2018.godine.

### **Član 4.**

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, uz istovremeno upućivanje svim ponuđačima koji su učestvovali u predmetnom postupku javne nabavke, a naknadno će se objaviti i u „Službenim novinama Bosansko-podrinjskog kantona Goražde“.

## **O b r a z l o ž e n j e**

Predmetni postupak nabavke pokrenut je Odlukom Ministra za finansije Bosansko-podrinjskog kantona Goražde br:06-14-7115-1/18 od 04.12.2018.godine, o pokretanju otvorenog postupka nabavke usluga tehničke i funkcionalne podrške za Trezorski sistem „Centralizovani obračun i isplata plaće” (COIP) Bosansko-podrinjskog kantona Goražde

Procijenjena vrijednost nabavke za planirani period trajanja okvirnog sporazuma od 3 /tri/ godine, iznosila je 43.200,00 KM.

Javna nabavka provedena je putem otvorenog postupka.

Obavještenje o nabavci, br.1322-1-2-1-3-1/18 poslano je na objavu dana 07.12.2017.godine, te je istog dana i objavljeno na Portalu javnih nabavki.

Sažetak Obavještenja o nabavci objavljen je u „Službenom glasniku BiH“, br.89/2018 od 14.12.2018.godine.

Komisija za javne nabavke, imenovana Rješenjem Ministra za finansije, br.06-14-7115/18 od 04.12.2018.godine, (u nastavku: Komisija) je dostavila i Zapisnik sa 3 (trećeg) radnog sastanka (o pregledu i ocjeni ponuda), br: 06-14-7115-16/18 od 28.12.2018.godine, a u kojima je preporučila izbor društva „OCEAN“ d.o.o. TRAVNIK za najpovoljnijeg ponuđača.

U postupku po zaprimanju Izvještaja o radu broj: 06-14-7115-17/18 od dana: 28.12.2018.godine utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je zaprimljena/pristigla samo jedna ponuda;
- da je ponuda ponuđača „OCEAN“ d.o.o. TRAVNIK prihvatljiva.

U postupku donošenja ove Odluke Komisija je pravilno i potpuno izvršila ocjenu kvalifikovanosti ponuđača, te ocjenu pristiglih ponuda, a skladu sa kriterijima iz Tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

*Broj: 06 – 14 – 7115 - \_\_\_\_ /18  
Goražde, 31.12.2018.godine*

**MINISTAR**

Nudžeim Džihanić, dipl.ecc

#### **DOSTAVLJENO:**

- 1.“OCEAN“ d.o.o. TRAVNIK;
- 2.Sekretar Vlade BPK-a Goražde;
- 3.Služba za odnose s javnošću;
- 4.Evidenciji; i
- 5.a/a